

# Von der grundlegung/ erbawung

und befestigung/ der Stedt/ Schlöffer/ vnnnd Flecken/ mit allen denen gebewen/ so fur gewalt zu der wehr/ befestigung/ schutz vnnnd schirm von nöten sindt/ als Mauren/ Thürn/ Gräben/ Schanzen/ Waal/ Schütten/ Pasteyen/ Bollwerck/ Zwin- ger/ Staltporten ꝛc. mit allen jren Wehren/ Schießlöchern / vnd dergleichen/ was innhalb vnnnd aufferhalb der Stadtmauren / fur gewalt vnnnd vn- billichen bedrang/ vest vnd wehrlich erbawen werden mag.

## Der I. theil/ des ersten buchs / von befestigung gebewen/

zu vrfendlicher vnderweisung in form eins freundlichen gesprechs  
gestellet / eins erfarnen Vitruuianischen Architecti/ vnd eins  
jungen angehenden Bawmeisters.

### Bawmeister.

**B**instiger Herz vnnnd Freundt / nach dem ich euch  
nützlich eine gute zeit erkant/ vnd ewer gemät gemercket/ als einen sonderlichen  
fleissigen erforscher aller guter künsten/ vnd furnemlichen aber deren so der  
Mathematick verwandt/ also das jr bisher kein fleiß noch arbeit gespa-  
ret/ noch einige gefertigkeit euch habe hindren lassen/ solchem ewerem her-  
lichen furnemen nachzukomen/ derhalben andre frembde Nation besucht/

vnd mit fleissiger auffmerckung durchwandert/ auch mancherley sprachen gelernet / darmit  
in allen solchen guten künsten euch nichts verborgen oder verhalten blibe / wie dann ewere  
vielfeltige schrift arbeiten welche jr zu sonderlicher wolffart des gemeinen nutz/ teglichen al-  
len fleissigen kunstliebhabenden mittheilen/ vnd gutwilliglichen zustehen lassen klarlich an-  
zeigen/ Dardurch jr dann kein geringes lob/ nit allein beim gemeinen man / vnnnd allen auff-  
richtigen Kunstliebhabern erlangt/ sonder auch bey etlichen Fürsten vnd mechtigen Her-  
ren/ in sonderlichem werdt/ wie dann billich/ gehalten/ hab ich mich bisher beflissen/ meinen  
standt vnd wesen/ nach höchstem vermögen/ auch solcher gestalt anzurichten.

Darmit ich auch als ein Junger Gesell/ mein jugent dermassen hinbrechte/ das ich möch-  
te nit allein mir/ sonder auch nach der lehr Platonis vnd Christi selber/ dem Vaterlandt vñ  
meinem nechsten/ nutz vnd behülfflich sein/ derhalben ich mich nit hab daheymen hinter dem  
Ofen oder beim wein finden lassen wollen/ sonder auch furgenomen andere Nationes vnd  
frembde ding zu schawen.

Darumb ich kurz verschiner zeit von meim G. H. de ich etliche zeit mit dienst verpfliche  
gewesen/ erfordert/ welcher meinen verstandt höher dan er an jm selber ist geacht/ mich zu sei-  
ner Gnaden Bawmeister angenommen hat/ Dieweil sein G. allerley redt vernomen von den  
gewaltigen/ starcken vnd wehrlichen befestigung viler Welscher gebew / welchen er in disen  
wunderbarlichen seltsamen vnfridlichen leuffen / sich gern zum theil gebrauchen vnnnd vol-  
gen wolt/ etliche Stedt / Schlöffer vnd Flecken / zu befridung seiner vnnnd seiner vntertha-  
nen/ vor gewalt vnd vnbillicher bedrangung / gern dermassen zu befestigen vnd verwaren/  
Vñ wiewol ich mich zu solchem ampt zugerings verstandts erkenne/ hat mich doch die Ehr  
vberwunden solches anzunemen / kome derhalben zu euch / als meinen Günstigen Herren  
vnd freundt/ ganz vntertheniglichen bittend/ mein furnemen zu hören/ vnd mir eweren ge-  
trewen

AA

trewen